



4. juni 2014

Inatsisartut Suleriaasianni § 37 naapertorlugu Naalakkersuisunut apeqqtut makku matumuuna saqqummiuppakka:

Naalakkersuisunut apeqqtut suliffissaqartitsiniarluni suliit pillugit

1. Suna pissutaava Inuussutissarsiornermut Aatsitassanullu Naalakkersuisup pisariaqartissimmagu illuatungiliuttunik saassussissalluni suliffissaqartitsiniarluni sulinermut atatillugu?

2. Inuussutissarsiutinut Aatsitassanullu Naalakkersuisoq isumaqarnerluni illuatungiliuttunik suleqateqarnermik uummarissaassalluni, suliffissaqartitsiniarluni sulinermut atatillugu illuatungiliuttut sulinerat soqutaanngitsumik eqqunngitsumillu isornartorsioruniuk?

(Inatsisartunut ilaasortaq Andreas Uldum, Demokraterne)

Tunnngavilersuut:

Nakeriallannarpoq paasillugu, Inuussutissarsiornermut Aatsitassanullu Naalakkersuisoq misigisimammat pisariaqartoq illuatungiliuttut saassunnissaat, taakku isornartorsiornermut Naalakkersuisut suliffissaqartitsiniarnermut atatillugu suliniutaat. Taamaaliorpoq tusagassiutinut nalunaarummini qulequtaqartumi: "Illuatungiliuttunut: Isornartorsiuineq pisariaqanngitsooq". Tassa Naalakkersuisup ilaatigut illuatungiliuttut kaammattorpai aaqiissutissanik namminneq siunnersuuteqaqqullugit malinnaaqqullugillu nittartakkami [www.naalakkersuisut .gl](http://www.naalakkersuisut.gl)-mi.

Naalakkersuisoq oqarfigissavara malinnaagatta. Paarlattuanik quiasulaarlunga Naalakkersuisoq oqarfigissavara uani nittartakkami malinnaalaassasoq www.demokraatit.gl. Tassanimi atuarsinnaavai Demokraatit suliffissaaleqisut ikilisarnissaannut siunnersuutai. Pineqartoq tusagassiutinut nalunaarut tusagassiutini sammineqareernikoq. Link takusinnaavat uani:

<http://www.demokraatit.gl/Nyheder/Senyheder/tabid/75/ArticleId/322/language/kl-GL/Default.aspx>

Tamatuma saniatigut Inuussutissarsiornermut Aatsitassanullu Naalakkersuisoq kaammattorusuppara Inatsisartut ataatsimiittarfianni malinnaaqqullugu, tassani suliffissaaleqinerup akiornissaa pillugu annertuumik isumaqatigiissuteqaqqammerpugut. Isumaqatigiissut naalakkersuisoqatigiit illuatungiliuttullu tamarmik ataqqinaatissaraat.

Apeqqtut akeqquneqarput ullut suliffiit naliginnaat qulit iluanni.